

Na osnovu odredbe člana 38. Pravila Studentskog centra Islamske zajednice u Bosni i Hercegovini, člana 9. Kriterija za bodovanje dokumentacije kandidata za prijem u dom Studentskog centra (novi prečišćeni tekst), odluke Upravnog odbora broj: 03-5-124-8/26 od 21. aprila 2026. godine, i saglasnosti Rijasetu Islamske zajednice u BiH broj: 02-03-2-2-2371-2/26 od 21. maja 2026. godine, Upravni odbor Studentskog centra raspisuje:

K O N K U R S
za prijem studenata u dom Studentskog centra Islamske zajednice u BiH
u akademskoj 2026/27. godini

I

Studentski centar Islamske zajednice u Bosni i Hercegovini će u akademskoj 2026/27. godini primiti ukupno 180 studenata i studentica prema raspoloživim kapacitetima na smještaj i ishranu prema Kriteriju za bodovanje dokumentacije kandidata za prijem u dom Studentskog centra Islamske zajednice u BiH (novi prečišćeni tekst) i utvrđenim Jedinostvenim kriterijima iz Protokola o saradnji u oblasti obrazovanja i nauke Federacije BiH od 30.05.2011. godine.

Pravo na smještaj imaju redovni studenti Fakulteta islamskih nauka i drugih fakulteta upisani u prvi i drugi ciklus visokoškolskog obrazovanja. Studentski centar prima i studente sa obezbijeđenim subvencijama od kantona, općina i entiteta i Brčko distrikta BiH.

II

Studentski centar u domu za korisnike pruža sljedeće usluge:

- smještaj u klimatiziranim jednokrevetnim, dvokrevetnim, trokrevetnim i četverokrevetnim sobama sa kupatilom, uz cjelodnevno korištenje energenata;
- usluge ishrane 2 obroka dnevno;
- korištenje sanitarne tople vode;
- zamjena posteljine;
- korištenje interneta (učionice, studentski klub, čitaonica, multimedijalna sala i sl.);
- korištenje čitaonice i biblioteke;
- korištenje studentskog kluba;
- korištenje sportskog terena i fitness sobe;
- korištenje vešeraja;
- učešće u programima i sekcijama edukativnog karaktera;
- učešće u programima vjerskog, društvenog, kulturnog, sportskog i humanitarnog karaktera;
- korištenje prostorija, učionica i kompleksa Studentskog centra za druge aktivnosti.

Usluge ishrane podrazumijevaju korištenje dva obroka dnevno, doručak (7:00-9:00 h) i ručak (15:00-18:00 h). Kalorična vrijednost i zdravstvena ispravnost hrane je pod stalnim nadzorom stručnih institucija i u skladu sa normativima primjerenim životnoj dobi korisnika.

III

Uslovi za prijem studenata u dom Studentskog centra Islamske zajednice u BiH

Rangiranje kandidata obaviti će Komisija za obradu i bodovanje aplikacija i raspodjelu mjesta na osnovu ostvarenih bodova a u skladu sa Kriterijima za bodovanje dokumentacije kandidata za prijem u dom Studentskog centra (novi prečišćeni tekst).

1. Pravo na korištenje smještaja, ishrane i drugih uslova u studentskom domu imaju redovni studenti Fakulteta islamskih nauka u Sarajevu.
2. Ukoliko postoje slobodni kapaciteti, pravo na korištenje usluga u domu Studentskog centra imaju:
 - a) vanredni studenti Fakulteta islamskih nauka čije je mjesto stalnog boravka izvan sjedišta Studentskog centra u vrijeme polaganja ispita, obavljanja obaveznih programa praktične nastave, odbrane diplomskih i magistarskih radova i slično,
 - b) studenti drugih univerziteta i fakulteta, ukoliko su prethodno završili medresu,
 - c) studenti strani državljani po principu međuuniverzitetske razmjene, potpisanog protokola i drugih vidova saradnje Zajednice,
 - d) iznimno, Upravni odbor može odobriti korištenje usluga u domu Studentskog centra osobama sa posebnim statusom.

Prednost prilikom prijema studenata u dom Studentskog centra pod uslovima koji se navode u tački 1. i 2. imaju studenti čiji su roditelji/staratelji članovi Islamske zajednice.

Ukoliko se smještajni kapaciteti u domu Studentskog centra ne popune u skladu sa tačkom 1. i 2., pravo na prijem u studentski dom imaju redovni studenti drugih fakulteta Univerziteta u Sarajevu koji nisu navedeni u pomenutim tačkama.

IV

Uz prijavu na konkurs potrebno je dostaviti sljedeće obavezne dokumente:

1. prijavu za prijem u dom Studentskog centra Islamske zajednice u BiH. Obrazac prijave se može preuzeti na web-stranicama Studentskog centra (www.studentskicentariz.ba) i facebook stranici Studentskog centra;
2. a) uvjerenje visokoškolske ustanove da je redovan student (orginal);
b) novoupisani studenti podnose svjedočanstvo završnog razreda srednje škole (kopija);
3. kopiju lične karte i CIPS-ovu prijavu, ne stariju od šest mjeseci (kopija);
(Studenti strani državljani dostavljaju kopiju pasoša ili lične karte);
4. ovjereno Rješenje o administrativnoj zabrani na dio plaće za otplatu neizmirenih obaveza u vezi sa smještajem i ishranom studenta, koje popunjava član uže porodice ili drugo fizičko lice sa stalnim zaposlenjem kod pravnog lica (primjerak rješenja se nalazi na web-stranici Studentskog centra, ovjerava ga poslodavac i dostavlja se orginal/jedan primjerak) ili ovjerena izjava od strane nadležnog organa roditelja ili drugog fizičkog lica da je saglasan na administrativnu zabranu na dio plaće za eventualno neizmirene obaveze studenta, korisnika usluge smještaja i ishrane u domu Studentskog centra Islamske zajednice u BiH za tekuću akademsku godinu sa potvrdom o stalnom zaposlenju (*primjerak izjave se nalazi na web stranici Studentskog centra, ovjerava je nadležni organ i dostavlja se orginal ukoliko se ne može dostaviti Rješenje o administrativnoj zabrani*).

Nepotpunom prijavom smatrat će se prijava uz koju nije dostavljena **obavezna dokumentacija** tražena konkursom i kao takva se neće uzeti u razmatranje.

Prijava uz koju nije dostavljena dodatna dokumentacija će se smatrati potpunom, a prijavljeni student će se bodovati samo po osnovu onih kriterija za koje je dostavio urednu dokumentaciju i to:

1. uvjerenje o prosječnoj ocjeni ostvarenoj tokom studija (prepis ocjena sa fakulteta, original ili kopija), odnosno prosjek ocjena u srednjoj školi za novoupisane studente (svjedočanstva I,II,III i IV razreda, kopija);
2. potvrdu/uvjerenje o osvojenim nagradama na takmičenjima na međunarodnom nivou, državnom ili nivou Rijasetu, entitetskom, na kantonalnom ili na nivou muftijstva i općinskom ili na nivou medžlisa, u tekućoj akademskoj, odnosno završenoj školskoj godini (kopija);
3. diploma o izboru za učenika generacije u prethodnoj školskoj godini (kopija);
4. diploma o stečenom zvanju Hafizu-l- Kur'ani-l-kerim (kopija);
5. potvrdu od Biroa za zapošljavanje o nezaposlenosti roditelja ili staratelja ili potvrdu iz Porezne uprave, ne stariju od šest mjeseci (kopija);
6. uvjerenje da je student član porodice koja ostvaruje stalnu novčanu pomoć, ne stariju od šest mjeseci (kopija);
7. potvrdu o prosječnoj plaći za svakog zaposlenog člana užeg porodičnog domaćinstva ostvarenoj u posljednja tri mjeseca, odnosno tri zadnja čeka za svakog člana užeg porodičnog domaćinstva koji primaju penziju (kopija);
8. potvrdu/uvjerenje o stepenu invalidnosti izdatu od strane nadležne Komisije, (lična ili članova porodice, kopija);
9. uvjerenje o zajedničkom domaćinstvu (kućna lista, original ili ovjerena kopija);
10. potvrda/uvjerenje o učešću u Armiji RBiH (roditelja ili staratelja, kopija);
11. izvod iz matične knjige umrlih za slučaj da je student bez roditeljskog staranja (kopija);
12. dokaz za ostale kriterije „prioritet pri smještaju“ :
 - a) po osnovu mjesta prebivališta i boravka u domu je svojeručno potpisana izjava koju će Komisija provjeriti na osnovu službene evidencije i dostavljene CIPS-ove prijave
 - b) po osnovu učešća u edukativnim aktivnostima je potvrda potpisana od strane stručnog saradnika za edukativne aktivnosti i druge programe.

Boduju se studenti iz povratničkih naselja, Bošnjaci iz dijaspore, iz zemalja okruženja (Hrvatske, Srbije, Crne Gore, Slovenije, Sjeverne Makedonije i Kosova), te drugi strani državljani na osnovu međuuniverzitetske razmjene, potpisanog Protokola i drugih vidova saradnje Zajednice i studenti koji su boravili u domu tokom cijele akademske godine bez raskidanja ugovora.

Navedena dodatna dokumentacija mora biti izdata od nadležnih institucija

***Napomena:** Studentima koji su treći put upisani u određenu godinu studija ili studenti koji su prethodno dva puta obnavljali upis na bilo koju akademsku godinu tokom studija, umanjit će se ukupan broj ostvarenih bodova na konkursu za 30%.*

Također, plaćaju mjesečnu participaciju za korištenje usluga u domu Studentskog centra uvećanu za 30 %, izuzev studenata sa područja kantona koji subvencioniraju troškove smještaja i ishrane redovnih studenata bez obzira na obnovu godine.

V

Pravo učešća na Konkurs nemaju :

Pravo učešća na konkurs nema:

- a) student koji je u tekućoj akademskoj godini počinio teži disciplinski prijestup zbog povrede odredaba iz člana 17. Pravilnika o kućnom redu;

b) student koji do dana objavljivanja konkursa nije izmirio svoje ugovorene obaveze iz tekuće i prethodnih akademskih godina prema Studentskom centru.

VI

Lista primljenih kandidata bit će objavljena na web-stranici Studentskog centra Islamske zajednice u BiH (www.studentskicentariz.ba).

Studentski centar će nakon prijema i obrade svih aplikacija odrediti uvjete i dinamiku useljavanja, raspored korištenja smještajnih kapaciteta i druge elemente u vezi sa smještajem studenata i te informacije objaviti na web-stranici Studentskog centra.

VII

Studenti koji ostvare pravo na smještaj u domu Studentskog centra koriste usluge u periodu od 15.09. 2026. do 15.07.2027. godine i dužni su redovno i u cijelosti izmirivati svoje obaveze.

***Napomena:** Studenti koji u mjesecu oktobru dostave potvrdu s fakulteta da su drugi put upisani u određenu godinu studija, plaćaju mjesečnu participaciju za korištenje usluga u domu Studentskog centra uvećanu za 10%, izuzev studenata sa područja kantona koji subvencioniraju troškove smještaja i ishrane redovnih studenata bez obzira na obnovu godine.*

VIII

Međusobni odnosi Studentskog centra kao davaoca usluga i studenata korisnika usluga uredit će se u skladu sa normativnim aktima Studentskog centra, posebnim ugovorom koji će precizirati prava i obaveze ugovornih strana za naznačeni period.

***Napomena:** Student može izgubiti status stanara u domu Studentskog centra ukoliko četvrti put bude upisan u određenu godinu studija ili je prethodno tri puta obnavljao upis na bilo koju akademsku godinu tokom studija, ako na listama čekanja ima studenata koji su redovni i ne obnavljaju upis na studijske godine (status stanara će se utvrditi nakon dostavljanja potvrde o upisu u određenu godinu studija).*

IX

Ljekarsko uvjerenje za dom studenti su dužni dostaviti prilikom potpisivanja ugovora o smještaju u dom Studentskog centra, a potvrdu o upisu na fakultet najkasnije do 01. novembra tekuće akademske godine.

X

Prijave na konkurs dostavljaju se lično ili poštom na adresu:

Studentski centar Islamske zajednice u BiH, Logavina 75, 71 000 Sarajevo sa naznakom: **Prijava za smještaj u domu Studentskog centra Islamske zajednice u BiH, do srijede 15.07.2026. godine.**

Zahvaljujemo se aplikantima na povjerenju koje ukazuju Studentskom centru prijavom na ovaj Konkurs.

UPRAVNI ODBOR STUDENSKOG CENTRA
ISLAMSKJE ZAJEDNICE U BIH